

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA CENTAR SARAJEVO
Općinsko vijeće
Komisija za javna priznanja i
obilježavanje historijskih
događaja i личности



Bosnia and Herzegovina
Federation of Bosnia and Herzegovina
Canton Sarajevo
City of Sarajevo
CENTAR MUNICIPALITY
Municipal Council

Босна и Херцеговина
Федерација Босне и Херцеговине
Кантон Сарајево
Град Сарајево
ОПШТИНА ЦЕНТАР САРАЈЕВО
Општинско вијеће
Комисија за јавна признања и
обилежавање историјских
догађаја и личности

Broj: 01-5sl/25-1
Datum, 13.10.2025.godine

PARLAMENT FEDERACIJE BIH- PREDSTAVNIČKI DOM
n/r: Predsjedavajući Dragan Mioković
Adresa: Hamdije Kreševljakovića br.3, Sarajevo

bosna i hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 14-10-2025			
Org. jed.	Broj	Priloga	Vrijednost
05/11	- 02 -	432	/25

Predmet: Zaključak, dostavlja se

U prilogu Vam dostavljamo Zaključak Komisije za javna priznanja i obilježavanje historijskih događaja i личности broj 01-5sl/25-1.

S poštovanjem,

Prilog:

-Zaključak Komisije

PREDSJEDNIK KOMISIJE



Nusret Kekić
Kekić

Dostavljeno:

1. Naslovu,
2. Evidencija,
3. Arhiva.

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA CENTAR SARAJEVO
Općinsko vijeće
Komisija za javna priznanja i
obilježavanje historijskih
događaja i ličnosti



Bosnia and Herzegovina
Federation of Bosnia and Herzegovina
Canton Sarajevo
City of Sarajevo
CENTAR MUNICIPALITY
Municipal Council

Босна и Херцеговина
Федерација Босне и Херцеговине
Кантон Сарајево
Град Сарајево
ОПШТИНА ЦЕНТАР САРАЈЕВО
Општинско вијеће
Комисија за јавна признања и
обилежавање историјских
догађаја и личности

Broj: 01-5sl/25-1
Datum, 13.10.2025.godine

Na osnovu člana 20. Statuta Općine Centar Sarajevo – Prečišćeni tekst ("Službene novine Kantona Sarajevo", broj 23/04), te čl. 43. Poslovnika Općinskog vijeća Centar Sarajevo („Službene novine Kantona Sarajevo“, br. 23/04-prečišćeni tekst, 11/13, 13/17, 24/19, 31/19, 29/20, 2/24 i 11/24), na 5. sjednici, održanoj 30.09.2025. godine, Komisija za javna priznanja i obilježavanje historijskih događaja i ličnosti je razmatrala dopis broj 01-19-5119/25 od 04.09.2025.godine- Inicijativa koju je podnio Admir Čavalić, zastupnik u Predstavničkom domu Parlamenta Federacije BiH, u kojoj predlaže da se u Sarajevu, kao glavnom gradu Bosne i Hercegovine, jedna ulica imenuje po bivšoj premijerki Velike Britanije, gospođi Margaret Thatcher. Nakon diskusije jednoglasno su donijeli

ZAKLJUČAK

Komisija za javna priznanja i obilježavanje historijskih događaja i ličnosti nije saglasna sa predloženom inicijativom, uz obrazloženje da postoje druge ličnosti, koje, prema mišljenju Komisije, u većoj mjeri zaslužuju takvu počast. Prilikom budućih razmatranja postavljanja bisti i sličnih obilježja, Komisija će uzeti u obzir i ovu inicijativu.



PREDSJEDNIK KOMISIJE

Nusret Kekić

Broj: 11-19-5119/25
Sarajevo, 12.09.2025. godine

SLUŽBA ZA POSLOVE OPĆINSKOG VIJEĆA

-Komisija za javna priznanja i obilježavanje historijskih događaja i ličnosti-


PREDMET: Inicijativa, dostavlja se

Poštovani,


U prilogu akta, dostavljamo Vam inicijativu gosp. Admira Čavalića, zastupnika u Predstavničkom domu Parlamenta Federacije BiH, na daljnje postupanje.

S poštovanjem,

Izrada: Cuplov Irfan



**POMOĆNIK OPĆINSKOG
NAČELNIKA**



Sijarić Haris


DOSTAVLJENO:

1. Naslovu,
2. Evidencija,
3. Arhiva



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

Speaker



Broj:05/1-02-432/25
Sarajevo, 01.09.2025. godine

GRAD SARAJEVO
n/r gosp. Samira Avdića, gradonačelnika

OPĆINA STARI GRAD
n/r gosp. Irfana Čengića, načelnika

OPĆINA CENTAR
n/r gosp. Srđana Mandića, načelnika

OPĆINA NOVO SARAJEVO
n/r gđe. Benjamine Karić, načelnice

OPĆINA NOVI GRAD
n/r gosp. Semira Efendića, načelnika

PREDMET: Inicijativa

U prilogu Vam dostavljamo na nadležni postupak inicijativu koju je podnio Admir Čavalić, zastupnik u Predstavničkom domu Parlamenta Federacije BiH.

S poštovanjem,

Dostaviti:
- Naslovu
- Službi Predstavničkog doma
- a/a



PREDSEDavajuĆI

Dragan Mioković

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Priloga: 20.08.2025			
Org. jed.	Broj	Priloga	Vrijednost
05/1	-02-	432	25

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BiH
PREDSTAVNIČKI DOM

n/r predsjedavajućeg Zastupničkog doma Parlamenta FBiH

GRAD SARAJEVO

OPŠTINE GRADA SARAJEVO

Na osnovu Člana 11. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", broj 69/07, 2/08, 26/20 i 13/24), podnosim

ZASTUPNIČKA INICIJATIVA

Predlaže se da se u Sarajevu, kao glavnom gradu Bosne i Hercegovine, jedna ulica imenuje po bivšoj premijerki Velike Britanije, gospođi Margaret Thatcher.

Obrazloženje:

Prijedlog da se u Sarajevu, kao glavnom gradu Bosne i Hercegovine, jedna ulica imenuje po bivšoj premijerki Velike Britanije, gospođi Margaret Thatcher, zasniva se na njenom historijskom značaju i doprinosu afirmaciji slobode, demokratije i ekonomskih reformi u svijetu krajem 20. stoljeća. Margaret Thatcher je kao prva žena na čelu Vlade Ujedinjenog Kraljevstva (1979–1990) ostavila dubok trag u svjetskoj politici.

Njeno vodstvo obilježeno je hrabrošću u donošenju teških odluka, odlučnom borbom protiv totalitarizma i snažnom podrškom idejama slobodnog tržišta. Zajedno s američkim predsjednikom Ronaldom Reaganom i drugim zapadnim liderima, Thatcherova je igrala ključnu ulogu u završnoj fazi Hladnog rata i suzbijanju širenja komunističkih režima u Europi. Time je indirektno doprinijela i procesu demokratizacije istočne Europe, uključujući države koje su bile pod socijalističkim i komunističkim režimima, što ima simbolički značaj i za Bosnu i Hercegovinu kao postkomunističko društvo.

U oblasti ekonomije, gospođa Thatcher je sprovela reforme koje su Ujedinjeno Kraljevstvo transformisale u jednu od najkonkurentnijih ekonomija svijeta. Njena politika deregulacije, privatizacije i jačanja preduzetničke inicijative danas služi kao referentna tačka u mnogim državama koje nastoje ojačati tržišnu ekonomiju i smanjiti preveliku ulogu države. Takva iskustva i ideje mogu poslužiti i Bosni i Hercegovini u njenom putu ekonomskih i institucionalnih reformi.

Gospođa Thatcher bila je vezana za Balkan, posebno za Bosnu i Hercegovinu. Pamti se njen tekst iz augusta 1992. godine objavljen u New York Timesu čiji je naslov bio: "Prekinite izgovore. Pomozite Bosni". Iako nikada nije boravila u našoj zemlji, gospođa Thatcher gajila je posebne simpatije prema našoj zemlji. U tekstu objavljenom 6. augusta 1992. godine, ona između ostalog piše:

"Strašne stvari se dešavaju u Bosni, još gore bi se mogle desiti. Sarajevo je pod konstantnim bombardovanjem. Goražde je već okupirano i vjerovatno će pasti. Ukoliko se to desi, prijeti veliki masakr i hiljade srpskih trupa imat će slobodan put prema Sarajevu u kojem se nalazi mnogo izbjeglica iz drugih područja", napisala je Thatcher između ostalog u New York Timesu.


"Žrtve i gubitnici u ovom sukobu pate više nego je to uobičajeno. Neke odvođe u koncentracione logore, drugi su protjerani iz svojih kuća i primorani na odricanje od imovine. Djeca i prolaznici bivaju ubijani. Ovo je politika srpskog etničkog čišćenja", dodala je Thatcher u svom tekstu.

"Srbi je bila ta koja je planirala i izvela agresiju na Bosnu u aprilu. Vlada Republike BiH predvođena Alijom Izetbegovićem je legalna i međunarodno priznata", piše u tekstu objavljenom 6. augusta 1992. godine.

1993. optužila je tadašnjeg britanskog premijera Johna Majora i njegovu vladu za odsustvo volje da zaustave, kako je govorila, srpsku agresiju na Bosnu i Hercegovinu: "Ne možemo dozvoliti da stvari idu ovim tokom", govorila je. "Ovo je đavolski posao. Ako ove naše europske vlade nisu u stanju osjetiti ljudsku patnju dok gledaju ove slike smrti i mučenja, etnička čišćenja u Europi, milione izbjeglica i masovnih grobnica, čime onda jesu?"

Iz svega navedenog jasno je da je riječ o historijskoj ličnosti koja je bila izuzetno vezana za Sarajevo i sudbinu Bosne i Hercegovine. Davanje imena jedne ulice u Sarajevu po Margaret Thatcher bilo bi priznanje univerzalnim vrijednostima slobode, političke hrabrosti i ekonomske modernizacije, te bi istovremeno Sarajevo uvrstilo u red svjetskih gradova koji na ovaj način odaju počast velikim državicima i državicama. Ova inicijativa ne predstavlja samo sjećanje na ličnost, već i afirmaciju vrijednosti koje su ključne za budućnost Bosne i Hercegovine: slobodu, demokratiju, ekonomski napredak i otvorenost prema svijetu. Ovaj inicijativa također odaje počast gospođi Thatcher zbog njenog zalaganja za Bosnu i Hercegovinu.

Sarajevo, 19.08.2025.



dr. sc. Admir Čavalić, zastupnik (Stranka za Bosnu i Hercegovinu)